



Broj: 04 – 1 - 2631 / 22
Sarajevo: 11.11.2022. godine

U skladu sa članom 69. Zakona o visokom obrazovanju („Službene novine Kantona Sarajevo“, broj: 36/22), članom 104. Statuta Univerziteta u Sarajevu (broj: 01-1093-3/18 od 28.11.2018. godine), i članom 35. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22), Vijeće Univerziteta u Sarajevu – Fakulteta zdravstvenih studija na 41. redovnoj sjednici održanoj 10.11.2022. godine donosi

ODLUKU

I

Usvaja se Pravilnik o prevenciji i suzbijanju korupcije na Univerzitetu u Sarajevu – Fakultetu zdravstvenih studija.

II

Pravilnikom o prevenciji i suzbijanju korupcije na Univerzitetu u Sarajevu – Fakultetu zdravstvenih studija uređuje se postupak internog prijavljivanja korupcije na Univerzitetu u Sarajevu – Fakultetu zdravstvenih studija.

III

Pravilnik o prevenciji i suzbijanju korupcije na Univerzitetu u Sarajevu – Fakultetu zdravstvenih studija bit će objavljen na oglasnoj tabli i web stranici Univerziteta u Sarajevu – Fakultet zdravstvenih studija.

IV

Odluka stupa na snagu danom donošenja.

Sekretar Fakulteta potvrđuje da je akt u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu – Fakulteta zdravstvenih studija nadležno za donošenje istog shodno članu 69. Zakona o visokom obrazovanju („Službene novine Kantona Sarajevo“, broj 36/22).
Amela Jašarević, sekretar

Dekan

Prof. dr. Arzija Pašalić

Dostavljeno:

1x Sl. za nastavu UNSA

1x Vijeću Fakulteta

1x a/a



UNIVERZITET U SARAJEVU – FAKULTET ZDRAVSTVENIH STUDIJA

Na osnovu člana 69. Zakona o visokom obrazovanju Kantona Sarajevo („Službene novine Kantona Sarajevo“, broj 36/22), člana 35. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22) i člana 104. Statuta Univerziteta u Sarajevu, broj: 01-1093-3-1/18 od 28.11.2018. godine, Vijeće Univerziteta u Sarajevu – Fakultet zdravstvenih studija na 41. redovnoj sjednici održanoj dana 10.11.2022. godine, donosi

PRAVILNIK O PREVENCIJI I SUZBIJANJU KORUPCIJE NA UNIVERZITETU U SARAJEVU – FAKULTET ZDRAVSTVENIH STUDIJA

Član 1.

Ovim se Pravilnikom o prevenciji i suzbijanju korupcije na Univerzitetu u Sarajevu – Fakultet zdravstvenih studija (u daljem tekstu: Pravilnik) uređuje postupak internog prijavljivanja korupcije, koji će se objaviti na oglasnoj tabli i web stranici Univerziteta u Sarajevu – Fakultet zdravstvenih studija, sve shodno odredbama Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22) (u daljem tekstu: Zakon).

Član 2.

Prijavitelju se ne može smanjiti obim prava ili uskratiti neko pravo propisano Zakonom. Zakonom su propisane i definicije i iste su u upotrebi prilikom prevencije i suzbijanja korupcije na Univerzitetu u Sarajevu – Fakultet zdravstvenih studija.

Član 3.

Postupak internog prijavljivanja korupcije na Univerzitetu u Sarajevu – Fakultet zdravstvenih studija, regulisan je shodno odredbama Zakona, i to na sljedeći način:

- Podnošenjem prijave korupcije od strane prijavitelja, koja se dostavlja putem kutije „ZAPRIJAVU KORUPCIJE“, koja se nalazi u službenim prostorijama Univerziteta u Sarajevu – Fakultet zdravstvenih studija,
- Podnošenjem prijave korupcije od strane prijavitelja putem elektronske pošte (e-mail: prijava.korupcije@fzs.unsa.ba) navedene na zvaničnoj web stranici Univerziteta u Sarajevu – Fakultet zdravstvenih studija,
- Na drugi način predviđen Zakonom.

Član 4.

Na sva pitanja koja nisu regulisana ovim Pravilnikom, primjenjivat će se pozitivnopravni propisi, a na prvom mjestu Zakon.

Određeno lice za prijem i postupanje po prijavama, u svom radu će se pridržavati odredaba ovog Pravilnika i pozitivnopravnih propisa, a na prvom mjestu Zakona.

Član 5.

Ovaj će se Pravilnik objaviti na oglasnoj tabli i zvaničnoj web stranici Univerziteta u Sarajevu – Fakultet zdravstvenih studija i stupa na snagu danom njegovog donošenja.

Broj: 04-1-2631-1/22
Sarajevo, 11.11.2022. godine

DEKAN

Prof. dr. Arzija Pašalić

